

全

金

诗

全

金

詩

御訂全金詩增補中州集卷七十一

金元好問原本

元好問九

楊祕監馬圖

水馬青天馬姿楊侯房星非畫師忽見奚官記

畫客張粉馳道晚涼時

夢遊圖

亢寒下筆親經營慘淡似詩人何時萬頃風
烟裏白髮刁騷一幅巾

藥正卿餉酒

宿醒未解渴生塵驚見王弘餉酒人獨恨文書困
佳客不來同醉五更春

王都尉山水

平林漠漠數峯閒詩在巖姿隱顯間自是秦樓畫

等不能辛苦作荆關

贈絕藝杜生

迢迢離思入哀絃
非撥非彈有別傳
解作江南斷腸曲
新聲休數李龜年

趙大年秋溪戲鴨二首

寒沙新葦浙江灣
詩在波痕滅沒間
前日扁舟人

却從圖畫羨君閒

畫客飛粉不到處
淡墨自覺天機深
賣酒壚邊見

崔白五孫真有五湖心

米元章畫史趙昌王友崔白皆可爲酒家遮牆壁耳

自題二首

其笑詩人太瘦生誰從慘淡得經營千秋萬古迴
文錦只許蘇娘讀得成

千首新詩百首文藜羹不糝日欣欣鏡中自照心
語口後世何須揚子雲

北歸經朝歌感寓三首

南來山勢漸坡陀蕩蕩川涂接大河馬上哦詩無

好語聊從白塔記朝歌

黃屋何曾土作階禍基休指九層臺書生不見千
秋後枉爲君王泣玉杯

墨翟區區不近情迴車曾此避虛名采薇唯有西
山老不逐時人信武成

內黃道中楚王廟荆公有誰合軍中稱亞父
却須推讓內黃兒之句因爲范增解嘲

一怒屠城一說留書生剛爲范增羞軍中老子關

何事副與兒曹調沐猴

題蘇氏寶章

二老風流有典刑諸郎蘭玉映階庭
我媚寶氣千

年在未數陳家聚德星

長公忠義似顏平原次公
冲澹似林西湖故字畫有

不期合而合者最後數帖所
謂蘇氏三虎叔黨爲最怒耳

劉氏明遠庵三首

豪氣元龍自尺樓功名場上早抽頭
路人不識閒

居士袖手雍容活兩州

世閒無物礙虛空
宴坐經行一體同
老眼不應隨境轉
江山元只在胸中

落落雲閒晚照開
上方別有妙高臺
栽花種柳閒年了
拄杖敲門日日來

題李庭訓所藏雅集圖二首

萬古文章有至公
百年奎壁照河東
衣冠忽見明昌筆
更覺昇平是夢中

景星丹鳳一千年
合着丹青與世傳
誰畫風流王

李郝大河南望淚如川

王謂仲澤李謂長源郝謂仲純

馬坊冷大師清真道院二首

水際茅齋星散居
白雲閒伴五溪魚
茂林修竹山如畫
蘸碧軒中恐不如
靜中人境兩脩然
我亦因君有靜緣
已約青山來枕上
水亭風榭看明年
月嘯烟呼本不羣
筆頭同是一溪雲
野情山態令

惠崇獐猿圖

人美世路機關不似君

酒東寄史同年二首

情話通宵慰別離
殷勤釀酒趁花期
沁南只道梅花早
猶較歸程十日遲

相君許送買山錢
晚歲隣居定有緣
一樹梅花一樽酒
知君東望亦悽然

宋周臣生子三首

試手君家助喜詩
秋風丹桂長新枝
昂霄聳壑他

年見木月同宮記此時

木月同宮五星家謂人以此時生者長必貴

玉季金昆世共賢天將文筆副家傳清新未要梅

花賦射虎留看第二篇

鄉先生宋濟以射虎詩著名

雛鳳來時鶴卵成兩兒前後不多爭阿寧解語應

須道猶是渠家百日兄

醉乞酒示皇甫季貞

醉乞酒示皇甫季貞

醉頭慵舉睡昏昏夢裏青旗雪擁門枕上一杯風

味好糟牀何處得茶渾

李白騎驢圖

八表神游下筆難
畫師胸次自酸寒
風流五鳳樓前客
枉作襄陽雪裏看

許田擲瓢圖

不知黃屋不知堯
喧寂何心計一瓢
我是許由初不爾
只將盛酒杖頭挑

九月晦日

松楸千里動悲哀
說道迴家早晚迴
九月忽驚今

日盡滿城風散紙錢灰

雜著

燒殘芻狗不能神一色貂裘繡帽新好箇路傍官
堠子經年端坐看行人

送窮

送君君去欲何之暫去還來也不辭但媿苦無相
贈物柳船輕似去年時

卽事

四長東州貢姓名阿茶能誦木蘭行元家近日添

新喜掌上寧兒玉刻成

寧兒叔開小字阿茶第四女字叔開

侯相公所藏雲溪圖曾命賦詩三首但記其

一云祖道東門未有涯田君方駕入宮車砥

應千古狼溪路人說山中宰相家相公以體

重不任步趨詔許駕小車至朝殿外門故子

詩及之北渡後往東平路經雲溪因爲之賦

黃山圖子翰林詩千里東州有所思前日相公門

下客國亡家破獨來時

陳德元竹石二首

一片春雲雨未乾
兩枝新綠倚高寒
瘦龍不見金

書字試就宣和石譜看

萬石綱船出太湖
九州膏血一時枯
阿誰種下中

原禍猶自昂藏入畫圖

同漕司諸人賦紅梨花二首

梨花曾比太真妃
別有風流一段奇
白雪爲肌玉

爲骨淡妝濃抹總相宜

瓊枝玉蘂靜年芳知是何人與點妝可道海棠羞
欲死能紅能白更能香

吳子賢樗庵二首

人道樗形百醜全我知造物向君偏世閒正有明
堂柱偃蹇風霜得幾年

廣莫初無匠石過一丘一壑奈君何世閒正有明
堂柱春草輪贏較幾多